

DISIDANS : Batayon Lézantiy



1



2

1. Batayon Lézantiy - Kan Haramon, Nouvelles Orléans, Zétazini, òktòb 1942

2. Batayon Lézantiy, Fort Dix- New Jersey, Zétazini, janvyé 1944

- 1 Dépi Juiyé 1940, onlo jenn Lézantiy ka chapé Gwadeloup é Matinik pou rantré an disidans é ay jwenn tériwa Alyé.

Onpil adan yo ké sòti Gwadeloup, janbé kannal Dominik pou débaké Dominik. Ondòt pati ké fè chimen dépi Matinik jis Trinidad.

- 5 An avril 1942, ou pé konté oliwon 50 moun ki ja rivé Dominik. Sèlman, poko tini pon ofisyé rèskonsab a Jénéral De Gaulle. Kifè, atoupannan, sé disidan-la ka rété aka fanmi pasi Dominik.

Pannan sèzon livènaj, yo ka risivwè on fòmasyon militè anba lòd a larmé Britanik. Alèkilé-lasa ou pé konté alantou 400 disidan.

An sèktanm 1942, Lyétnan-kolonnèl PERELLE, on dirijan a Komité Nasyonnal Fransé ka rivé Dominik.

10

Jou 10 Òktòb 1942, 325 Antiyé ki adan prèmyé Détachman Lézantiy, ka baké abò Naviw militè. Aprédavwa yo pasé pa Baltimore yo ka débaké Nouvelle-Orléans, jou 28 òktòb. Yo ka rèsté adan on kan militè otila ja tini 50 sòldafre ki té pasé pa Trinidad.

An Janvyé 1943, Détachman-la ka déplasé abò tren é ka pran pozisyon jou 11 janvyé andidan Kan militè Fort Dix, New Jersey. An bout janvyé 1943, 150 volontè ki sòti Dominik, ka vin gonflé kontenjan-la. Anplis, ou pé konté kyèk dizenn

15

Siriyen é moun Lisid Lanmèrik, ki, yo osi , mandé angajé.

Détachman-la, parapòt a désizyon Gouvèlman Anglé, ka fòmé prèmyé Batayon Lézantiy.

On mòso tèks ofisyèl Kaporal Chèf Chal ZOU, sèkrète détachman-la, maké an avwil 1944 pasi Albanova, Litali, anba lòd a Lyétnan Èstanislas MANGIN, Koumandan 2èm Batri.

Parad douvan Jénéral Dègòl



Batayon Mawch Lézantiy 5 (BMA5), Parad douvan Jénéral Dègol, Aljé, 14 Juiyé 1944,

Magazin 'le patriote résistant' n° 856 - sèktanm 2011

Témwaniaj a on Disidan

1

Ivon Doppia, réponn prézan ‘apèl 18 jen 1940’ la. Menm jan ki onpil jennmoun Matinik é Gwadeloup, i pati an disidans.

5

« Sété an novanm 1942. Man té ni 17 la nné é té zélev lisé Chelchè. Jennbway ki té pati Dominik oben Sentlisi, nou té ka bokanté asou sa titak épi man té ni kanmarad kontel Jan Volny ki té réyisi janbé kannal-la. An jou rivé, man désidé pati. Menm manniè ki yo, man éséyé pasé pa lisid ek man désann Sentlis. Man rété dé jou laba a. Man té blotjé. “Barfleur” té ka véyé tout bòlanmè-a. Man rantré Fodfrans, kay man Volny. Yonné jou apré, man alé wè tayè papa-mwen. Non’y sété Abott, i té moun Dominik. I di mwen si man té lé pati, i té konnet péchè Dominik ki té ka chayé twel an kontribann. Yo té pou rivé Marigo tanto. An jou, nou pran mo pou landimen bonmaten a dézè, bodlanmè Marigo. Man monté abò an bis.

10

Asou plaj Marigo a, man kontré Firmen Fondelot ek nou pati épi sé péchè Dominik la. Man té vòlè pistolé papa-mwen an ek sé li man ba sé moun-lan pou péman. Nou té za sav Kannal Dominik té danjéré davwè yo té ka koulé bato adan’y. Détwa moun té za jwenn lanmò-yo konsa. Sé péchè-a janbé kannal-la ka ranmé toulong. Apré douzè ditan nou débatjé Wozo. I té dézè di laprémidi. Laba a, nou alé wè sé reskonsab-la adan an kan militè éti misié Peronnette té ka koumandé, épi nou mandé angajé. Man manti asou dat man wèjou-a pou trapé dwa siyé angajman-mwen. An 1943, nonm kontel Marsel Manvil, Franz Fanon, Piè Molole rivé jwenn nou. Nou té za konnet kònou ek davwè nou té ka pasé tout tan-nou ansanm, yo té ka kriyé nou “les trois mousquetaires”.

Pasé sis mwa apré, nou riviré Matinik pou fòmé batayon-an épi nou pati an konvwa pou Mawok... Rivé laba-a, yo séparé nou ek man touvé kòmwen atè Aljé, aprés man rivé Lakows, éti nou té pou paré gran débakman pou out 1944 atè Senmaksim. Nou té adan 9em divizion enfantri kolonial-la épi Firmen Fondelot, Zami, Edwige é an manmay Gwadeloup, Clarin. »

Yvon Doppia, *La Martinique du XXè siècle*, jounal Fransantiy-séri ispésyal, janvyé 2000